



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-118

01/03/2018

ქ. თბილისი

ქ. თბილისში, შპს „პოულტრი ჯორჯია“-ს ბიოლოგიური ნარჩენების გაუვნებლობის „ბეიკერის ორმო“-ს მიმდინარე საქმიანობის გაგრძელების შესახებ გადაწყვეტილების დამტკიცების თაობაზე

საქართველოს კანონის „გარემოსდაცვითი შეფასების კოდექსის“ 47-ე მუხლის მე-13 ნაწილის საფუძველზე

ვ ბ რ ძ ა ნ ე ბ ა:

1. დამტკიცდეს ქ. თბილისში, შპს „პოულტრი ჯორჯია“-ს ბიოლოგიური ნარჩენების გაუვნებლობის „ბეიკერის ორმო“-ს მიმდინარე საქმიანობის გაგრძელების შესახებ გადაწყვეტილება (შემდგომში გადაწყვეტილება) N3; 23.02.2018;
2. შპს „პოულტრი ჯორჯია“-მ უზრუნველყოს ეკოლოგიური აუდიტის ანგარიშში გათვალისწინებული ღონისძიებებისა და მიმდინარე საქმიანობის გაგრძელების შესახებ N3; 23.02.2018; გადაწყვეტილებით დადგენილი პირობების გეგმა-გრაფიკით განსაზღვრულ ვადებში შესრულება;
3. ბრძანება დაუყოვნებლივ გაგზავნოს შპს „პოულტრი ჯორჯია“-ს;
4. ბრძანება ძალაში შევიდეს შპს „პოულტრი ჯორჯია“-ს მიერ ამ ბრძანების გაცნობისთანავე;
5. ეს ბრძანება შეიძლება გასაჩივრდეს ზემდგომ ადმინისტრაციულ ორგანოში-საქართველოს მთავრობაში (თბილისი, ინგოროყვას ქუჩა N7) ან თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი

მინისტრი

ქ. თბილისში შპს „პოულტრი ჯორჯია“-ს ბიოლოგიური ნარჩენების გაუვნებლობის „ბეიკერის ორმო“-ს მიმდინარე საქმიანობის გაგრძელების შესახებ საქართველოს გარემოს დაცვისა და სოფლის მეურნეობის სამინისტროს

გადაწყვეტილება #3

23.02.2018

საერთო მონაცემები:

საქმიანობის დასახელება: ბიოლოგიური ნარჩენების გაუვნებლობა.

საქმიანობის განმახორციელებელის დასახელება და მისამართი: შპს „პოულტრი ჯორჯია“, ქ. თბილისი, ისანი-სამგორის რაიონი, ლილოს დასახლება, მეფრინველეთა ქ. №1ა.

საქმიანობის განხორციელების ადგილი: ქ. თბილისი, ისანი-სამგორის რაიონი, სოფელი დიდი ლილო, ს/კ 01.19.28.001/013.

განაცხადის შემოსვლის თარიღი: 27.12.2017.

მონაცემები ეკოლოგიური აუდიტის ანგარიშის შემდგენელის შესახებ: შპს „პოულტრი ჯორჯია“.

ეკოლოგიური აუდიტის ანგარიშის და გარემოზე ზემოქმედების შემცირების ღონისძიებათა გეგმა-გრაფიკის შეფასება

მიმდინარე საქმიანობის გაგრძელების შესახებ გადაწყვეტილების მიღების მიზნით სამინისტროში წარმოდგენილია ქ. თბილისში შპს „პოულტრი ჯორჯია“-ს ბიოლოგიური ნარჩენების გაუვნებლობის „ბეიკერის ორმო“-ს ეკოლოგიური აუდიტის ანგარიში და გარემოზე ზემოქმედების შემცირების ღონისძიებათა გეგმა-გრაფიკი.

ეკოლოგიური აუდიტის ანგარიშის თანახმად, საწარმო განთავსებულია ქ. თბილისში, სოფელი დიდი ლილოში, ს/კ 01.19.28.001/013. უახლოესი დასახლებული პუნქტი მდებარეობს 600 მეტრში. საწარმოში წლიურად მოსალოდნელია 150 ტონა ნარჩენების უტილიზაცია.

ეკოლოგიური აუდიტის ანგარიშის თანახმად, შპს „პოულტრი ჯორჯია“-ს ძირითად საქმიანობას წარმოადგენს მეფრინველეობის კომპლექსის მართვა. კოდის მეფრინველეობის ფაბრიკა მოიცავს შემდეგ ობიექტებს:

- მეფრინველეობის ფერმები;
- კომბინირებული საკვების უბანი;
- ინკუპატორი;
- სასაკლაო;
- საწყობი;
- ოფისი.

შპს „პოულტრი ჯორჯია“-ს ტერიტორიაზე საფრინველებს (ფერმების) საერთო რაოდენობა შეადგენს - 16-ს. ამჟამად კოდის მეფრინველობის ფერმებში დაცემული ფრინველების, ფრინველის დაკვლის შედეგად მიღებული ნარჩენების და გატეხილი და ვადაგასული ფრინველის კვერცხი უტილიზაცია ხორციელდება საწარმოს ტერიტორიაზე არსებულ ბეიკერის ორმოში, რომლის ზომებია 6 x 6-ზე და სიმაღლე 3 მეტრი. საწარმო ბეიკერის ორმოს გამოიყენებს მხოლოდ არასახიფათო ცხოველური ნარჩენების გადასამუშავებლად.

ბიოთერმული ორმო, ანუ პირეტინული ორმო, ჩეხური ორმო, ბეკარის ორმო, ეს არის ნაგებობა, რომელიც განკუთვნილია ცხოველთა გვამების ბიოლოგიური დეზინფექციისათვის (ციმბირული წყლულით დაღუპული ცხოველების გარდა). ბიოთერმული ორმოები უზუნველყოფენ მრავალი მიკრობის სწრაფ განადგურებას. ასეთი ობიექტები აშენებულია ტიპური პროექტით.

მოცემულ შემთხვევაში, საწარმოს ტერიტორიაზე მოწყობილი ბიოთერმული ორმოს პარამეტრებია 6 x 6; 3 მეტრი სირღმით, მისი სამუშაო მოცულობაა 80მ³. ის მთლიანად ამოშენებულია ბეტონით და გააჩნია ასევე ბეტონის სახურავი. ბიოთერმული ორმო მოწყობილია მშრალ, შემადღებულ ადგილას, სადაც არის გრუნტის წყლების დაბალი დონე, მოშორებით დასახლებული პუნქტებიდან, წყალსატევებიდან, ჭებიდან და საქონლის სარეკი ადგილებიდან.

ბიოთერმული ორმოს კედლები ამოყვანილია მიწის ზედაპირიდან მაღლა და შემოზვინულია მიწით. ამავე დროს თავად ორმო მჭიდროდ იხურება საკეტებიანი ხუფით და მოწყობილია გამწოვი არხი ჰაერის გამოსასვლელად, ასევე ნალექისაგან დამცავი ფარდული. ის შემოკავებულია მავთულის ბადით და ზემოდან დახურულია. ორმოს ბიოლოგიური ნარჩენებით ივსება ზედაპირამდე არაუმეტეს 0.8 მეტრისა და ხდება მისი დაკეტვა. 20 დღე-ღამის შემდეგ კამერაში ტემპერატურა იწევს 65-70 გრადუსამდე. ბიოთერმულ ორმოებში გვამები იხრწნება თერმოფილური ბაქტერიების ზემოქმედებით, ხოლო მაღალი ტემპერატურა განაპირობებს პათოგენური მიკროორგანიზმების განადგურებას.

ასეთი ტემპერატურის დროს გვამების გახრწნის პროცესი მთავრდება 35-40 დღე-ღამეში. წარმოქმნილი ერთგვაროვანი, სუნის არმქონე კომპოსტი განთავსება ხდება ქალაქ თბილისის მუნიციპალურ ნაგავსაყრელზე.

წარმოდგენილ ეკოლოგიური აუდიტის ანგარიშში ასახულია ობიექტის ფუნქციონირებით გამოწვეული ზემოქმედება ატმოსფერული ჰაერის ხარისხზე. დადგენილია მავნე ნივთიერებების გამოყოფის და გაფრქვევის წყაროები, ატმოსფერულ ჰაერში გაფრქვეული მავნე ნივთიერებების შემადგენლობა, მათი რაოდენობრივი მაჩვენებლები და გაფრქვევის სხვა პარამეტრები.

მავნე ნივთიერებათა გაბნევის ანგარიშის თანახმად, ობიექტის ექსპლუატაციის შედეგად ატმოსფერულ ჰაერში გაფრქვეული არცერთი მავნე ნივთიერების კონცენტრაცია არ აჭარბებს ნორმით დადგენილ შესაძობის მნიშვნელობებს ობიექტიდან დაშორებულ 500 მ რადიუსის მანძილზე და მით უმეტეს, უახლოეს დასახლებულ პუნქტებთან მიმართებაში (600მ), ამიტომ მავნე ნივთიერებათა გაფრქვევის მიღებული რაოდენობები შესაძლებელია კვალიფიცირდება, როგორც ზღვრულად დასაშვები გაფრქვევები.

წარმოდგენილ ეკოლოგიური აუდიტის ანგარიშში მიხედვით, საწარმოში გასატარებელია რიგი ღონისძიებები, რომელთა განხორციელების ვადების შესახებ არ იყო მოცემული ინფორმაცია განსახილველად წარმოდგენილ გარემოზე ზემოქმედების შემცირების ღონისძიებათა გეგმა-გრაფიკში.

დასკვნითი ნაწილი:

მიმდინარე საქმიანობის გაგრძელების შესახებ გადაწყვეტილების მიღების მიზნით სამინისტროში წარმოდგენილი დოკუმენტაციის მიხედვით, ქ. თბილისში შპს „პოულტრი ჯორჯია“-ს ბიოლოგიური ნარჩენების გაუვნებლობის „ბეიკერის ორმო“-ს მიმდინარე საქმიანობის გაგრძელება შესაძლებელია ეკოლოგიური აუდიტის ანგარიშში გათვალისწინებული ღონისძიებებისა და ექსპერტიზის შედეგად დადგენილი პირობების გეგმა-გრაფიკით მითითებულ ვადებში შესრულების შემთხვევაში.

დადგენილი პირობების გეგმა-გრაფიკი

##	პირობები	შესრულების ვადა მიმდინარე საქმიანობის გაგრძელების შესახებ გადაწყვეტილების მიღებიდან
1.	შპს „პოულტრი ჯორჯია“-მ უზრუნველყოს გარემოსდაცვითი მონიტორინგის გეგმების შემუშავება და წარმოდგენა.	სამი თვის ვადაში
2.	შპს „პოულტრი ჯორჯია“-მ უზრუნველყოს, ბეიკერის ორმოს შემოწმება ჰერმეტიულობაზე, რათა არ მოხდეს გრუნტის წყლების დაბინძურება.	ერთი თვის ვადაში
3.	შპს „პოულტრი ჯორჯია“-მ უზრუნველყოს, ნარჩენების მართვის გეგმის მომზადება და სამინისტროში შესათანხმებლად წარმოდგენა, რომელიც შესაბამისობაში იქნება საქართველოს კანონის „ნარჩენების მართვის კოდექსისა“ და საქართველოს გარემოსა და ბუნებრივი რესურსების დაცვის მინისტრის 2015 წლის 4 აგვისტოს #211 ბრძანებით დამტკიცებული „კომპანიის ნარჩენების მართვის გეგმის განხილვისა და შეთანხმების წესი“-ს მოთხოვნებთან.	ერთი თვის ვადაში

4.	შპს „პოულტრი ჯორჯიამ“ არ დაუშვას დაავადებულ ცხოველთა გვამების განთავსება ბეიკერის ორმოში.	დაუყოვნებლივ
5.	შპს „პოულტრი ჯორჯიამ“ უზრუნველყოს ბეიკერის ორმოების განთავსების ადგილის შემოღობვა, რათა ტერიტორია მაქსიმალურად დაცული იყოს გარეშე პირების შეღწევისაგან და ინფექციების გავრცელებისგან.	დაუყოვნებლივ
6.	შპს „პოულტრი ჯორჯიამ“ ობიექტის ექსპლუატაციისას უზრუნველყოს სანიტარული წესების და ნორმების დაცვა იქ მომუშავე პირებისათვის.	დაუყოვნებლივ